

I JESU-CRISTO MU ING MAGLIGTAS

At manganak yang metung a lalaki, at pamalagyan meng
Jesus: uling ya ing magligtas king balen na king karelang
kasalanan. Mateo 1:21

Uling king lugud na ning Dios king yatu binie ne ing
bugtung nang Anak ban ing ninumang maniwala keya e ya
mate nung e mirinan yang bie alang angga. Juan 3:16

I Jesus sinabi na kea, Aku ing dalan, ing katutuan, at ing
bie. Alang miras king Ibpa, nung e mu king pamamilatan
ku. Juan 14:6

Uling alang aliwang lagiuu dalam ning banua a miabye
karing tau, a king uli na niti miligtas tamu.
Ding Dapat 4:12

Uling binye ku kekayu king mumuna ing tinggap ku
naman, a king i Cristo mete ya king uli na ning kasalanan
tamu, agpang king Kasulatan; at mikutkut ya, at sinubling
mebie king katlung aldo agpang king
kasulatan: 1 Corinthians 15:3-4

A king pamamilatan na ning keang daya, ing
pangayatbus na katamu, ing kapatawaran
karing kasalanan, agpang king pibandian
na ning keang kalam. Efeso 1:7



And the gospel must first be published
among all nations. MARK 13:10

Atin yang apat a katutwan a dapat tamung lubus aintindian:

1. kaluguran naka ning apung ginu.

Buri na ing mika bie kang alang angga karin banua kayabe na.

Uling king lugud na ning Dios king yatu binie ne ing bugtung nang Anak ban ing ninumang maniwala keya e ya mate nung e mirinan yang bie alang angga. Juan 3:16

Buri na ing mika sagana at makabaldugan a bie kayabe na.

Ing mapanako datang ya nung e bang manako, at makamate, at manyira. Aku dinatang ku bang mika bie la, at bang mika bie lang labis-labis. Juan 10:10

Sumangid niti, dakal la reng taung e makaranas king makabaldugan a bie at e la siguradu nung atin lang bie alang angga uling...

2. Ing tau makasalahan ya king kalikasan. Inya mikakawani ya king Dios.

Ding sabla mikasala la.

Uling ding sabla mikasala la, at e la miras king ligaya ning Dios; Roma 3:23

Uling ing lugud king salapi ya ing yamut ning sablang dewakan...

1 Timoteo 6:10

Ing bayad ning kasalahan ya ing kamatayan.

Uling ing bayad ning kasalahan ya ing kamatayan... Roma 6:23

Ing biblia sasabyan na ing adwang uri ning kamatayan:

- Kamatayan king katawan

At anti mo ing mitakda karing tau ing mate lang misan, at kaibat na niti ing pamanukum: Hebreo 9:27

- Espiritual a kamatayan o alang anggang pamikawani king Dios king impierno

Dapot ding matakut, at ding alang kasalpantayanan, at ding makasumami, at ding makamate tau, at ding makipangalugud, at ding mangkukulam, at ding sasamba karing anito, at ding anggang malaram, mika dake la king dayatdayatan malat a milalablab king api at asupri: a iti ya ing kaduang kamatayan. Kapahayagan 21:8

Nung ing tau mikawani ya king Apung Ginu pauli ning kasalanan na, nanu ing solusyun kaniting problema? Maralas isipan tamu na ing solusyun ilapin deng: relihiyon, mayap a dapat, at mayap a panugali. Pero metung yamu ing solusyun ibat king Apung Ginu.

3. Y Jesucristo yamu ing dalan papunta banua.

Iti ya ing pamipasiag na ning Dios.

I Jesus sinabi na kea, Aku ing dalan, ing katutuan, at ing bie. Alang miras king Dios a Ibpa, nung e king pamamilatan ku. Juan 14:6

Binayaran na ing ganap a parusa para karing kasalanan tamu.

Uling i Cristo man misan ya migdusa king uli na ning kasalanan, ing banal king uli ra ding e banal, bang adala na katamu king Dios, mete ya king laman, dapot mebie ya king kapamilatan na ning espiritu: 1 Pedro 3:18

A king pamamilatan na ning keang daya, ing pangayatbus na katamu, ing kapatawaran karing kasalanan, agpang king pibandian na ning keang kalam. Efeso 1:7

Atin yang pangakung bie alang angga.

Ing maniwala king Anak atin yang bie alang angga. At ing e maniwala king anak na, e na akit ing bie; dapot ing mua ning Dios manatili kea. Juan 3:36

Uling ing bayad ning kasalanan kamatayan; dapot ing regalu na ning Dios ya ing bie alang angga king pamamilatan nang Jesu-Cristo a Guinu tamu. Roma 6:23

4. Kailangan tamung maniwala kang Jesu-Cristo ban miligtas tamu.

Ing kaligtasan tamu pauli na ning grasya ning Dios kapamilatan ning kasalpantayanan kang Jesu-Cristo.

Uling king uli na ning kalam miligtas kayu king pamamilatan na ning kasalpantayanan; at iti e ibat kekayu murin, nung e kalam na ning Dios: e king dapat, bang ninuman e ya magmarangal.

Efeso 2:8-9

Uling ing ninumang mamaus king laguiu ning Guinu miligtas ya. Roma 10:13

Panalangin da ring makasalahan

Ipanalangin yu iti king mitmung kasalpantayanan:

Ginung Jesus, dakal pung salamat king lugud mu kanaku. Pangaku ku king makasalahan ku at manyad kung kapatawaran keka.

Salamat king pangamate mu king krus, pangakutkut, at pamanyubling mie ban bayaran ing sablang kasalahan ku. Manalig ku keka bilang kanakung Ginu at Talapagligtas. Tatanggapan ku ing regalu mung bie alang angga at isuku ke ing bie ku keka. Saupan mu kung tuparan ing sablang kautusan mu at maging tula king akakit mu. Amen.

Nung menalig ka kang Jesu-Cristo, ing makatuki milyari keka:

- Ngeni, atin kang bie alang angga kayabe ning Dios.

At iti ya ing kaburian na Nitang mitubud kanaku: ing ninumang manakit king Anak at maniwala keya mirinan yang bie alang angga: at pasublian keng mie king tauling aldo. Juan 6:40

- Ding sablang kasalahan mu mibayaran at mipatawaran.

(milabas, kasalukuyan, daratang)

Oneng i Cristo, miyain yang misan mung ain para karing kasalahan, linukluk ya king banda nang wanan ning Dios;

Hebreo 10:12

- Bayu kang lelangan king panimanman ning Dios. Iti ing umpisa ning bayung bie mu.

Inya nung ing ninuman atiu kang Cristo, metung yang bayung lelangan; oini, ing anggang bague meguing bayu. 2 Corinto 5:17

- Meging anak na ka ning Dios.

Dapot detang anggang tinanggap kea, dininan nong kayupayan a maguing anak na ning Dios, detang maniwala king keang lagui:

John 1:12

Ing mayap a dapat e ya paralan para miligtas tamu, nune metung yang patune o bunga ning kekatamung kaligtasan.

uling dapat na katamu, lelangan na katamu kang Cristo Jesus, dikil king mayap a dapat, a deti ing Dios sidya na nang minuna, bang lumakad tamu kareti. Efeso 2:10

Pagpaalan ka ning Ginu!